

Thaydwan 8



Dinhmung Akhat

Damhpouc Ravguangc hei kalingmei Racguangc e

Damhpouc
Ravguangc
hei kalingmei
Racguangc e

Baibal Pary

Damhpouc Ravguangc hei kalingmei Racguangc e, twmei dinhmei pary sinsw o

Gaychamv Parybuk Padeih. Kasap 2-17. *Tingkauh thangc rui Mai*

Gaychamv Parybuk Padeih tuang kasap 2-5 khou naimei maengc tei alauc nunc khou lyanna mi pary tei paclou o. Kasap 6 khou action lat ariw pw khou action sw o. *Latkhang:* ‘maansei pang rav baihmei nunc khou lu suanna, (lu tuang action sw o), kalumna (kalummei tuang action sw o), alaemhna (alaemhmei action sw o) akhatni kachuamhna (kachuamh key kachuamh kumei action sw o) bammei ta ai how e.’


Gaychamv Parybuk Padeih tuang kasap 7-9 khou naimei maengc tei lyanna alauc nunc khou paclou o. Kasap 10 khou tei action latkaeng ariwmei sik action sw o. *Latkhang:* ‘Baihmei rav nunc khou lu suanmei nunc tei, khwan ranvna huayneymei bammei (huayneymei tuang action ranvna sw o), alaemh saengc bammei (alaemh saenghmei action), khatni kachuamh kauhna kachuamh bammei (kachuamh kauhna kachuamh bammei action) ta ai how e.’

Gaychamv Parybuk Padeih tuang kasap 11-12 khou naimei maengc tei lyanna alauc nunc khou paclou o. Kasap 13 khou tei action latkaeng ariwmei sik action sw o. *Latkhang:* ‘ravcha bamv daeng khou dui bunlouna (zeih khou rui dui zuna duilai puancna ravcha bamv khou dui bun nkuaylou luan kathumhmei action).

Gaychamv Parybuk Padeih tuang kasap 14-17 khou naimei maengc tei lyanna alauc nunc khou action swna paclou o.

1, 2, 3 pary kahouh tho

Thaydwan 8



Lat thanv Daw Akhyammei

Alauc nunc khou mi pary lam hei thanv o. Alauc nunc ta kakang kanei tamclou o. Reymei kang khou thanv o. Reymei kang alauc guay kakhanh lana lat akhat na daw nina e. Kaniw daw nchumh e thei, kaniw kang khang point akhat tii o. Reymei kang daw nchumh mak e thei, mi latthanv tei kaneimei kang khou thanv o. Kanei mei kang alauc guay kakhanh lana lat akhat na daw nina e. Kaniw daw nchumh e thei, kaniw kang khang point akhat tii o.

Kaniw laatowmei sing chak kariuna blackboard ramh e thei che paek khou hylou o.

Keneimei kang khou tei mi pary lam hei thanv o. Kaneimei kang alauc guay kakhanh lana lat akhat na daw nina e. Kaniw daw nchumh e thei, kaniw kang khang point akhat tii o. Kaneimei kang daw nchumh mak e thei, mi latthanv tei reymei kang khou thanv o. Reymei kang alauc guay kakhanh lana lat akhat na daw nina e. Kaniw daw nchumh e thei, kaniw kang khang point akhat tii o. Mi kumna reymei khatni kaneimei kang khou tei ary aryna mi pary lam tei thanv o.

Daw nchumh mak e thei ni, dawloumei khang thuanku e tiki ai thanvmei thu mi ramh e twna katilou o. Daw nchumh e thei kiuc the! Sw chuy the! twna katilou o!

Nang thanv nuhmei khatni mi tuang latdau mi khou hei nai e.

Elijah thow khang lu suanlou bo? Damhpouc Ravguangc khang.

Meicnunc thow khang lu suanlou bo? Baihmei rav nunc khang.

Baihmei rav nunc tabui swlou bo? Ramh swlou mak e.

Baihmei rav nunc tingkauh thangc rui mai tii key ngam bo? Ngam mak e.

Damhpouc Ravguangc tingkauh thangc rui mai tii key ngam bo? Ngam e.

Baihmei rav nunc kaniw khang lu suanloumei nunc khou dawlou bo?
Dawlou mak e.

**Damhpouc Ravguangc khang na lu suanloumei Elijah ta Damhpouc
Ravguangc rui dawlou bo?** Dawlou e.

Damhpouc
Ravguangc
hei kalingmei
Racguangc e

Thaydwan 8


Mi pary khou rui Damhpouc Ravguangc lam tabui thay bo?

Aniu kakhou na lu suanlou pw khou Damhpouc Ravguangc rui dawlou e.

Damhpouc Ravguangc na rui tingkauh thangc rui mai tii key ngam e.

Damhpouc Ravguangc khou na lu suanlou o, kamei Ravguangc ling e.

Damhpouc Ravguangc khou lu suanmei twmei hei Damhpouc Ravguangc ta kalummei tw tuang e twna dinclou o.



Action Lu

Damhpouc Ravguangc hei kalingmei Racguangc e, twmei dinhmei action lu sinswo

Nana na nana na nana na (x2)

Neihpat biak khou rui neihkey biak nganv

Damhpouc Ravguangc gay liang e

Nana na nana na nana na (x2)

Dihpy biak khou rui dihba biak nganv

Amwang rui kata thuanc bam puni.

Object Lesson

Damhpouc Ravguangc hei kalingmei Racguangc e, twmei dinhmei object lesson sinswo

Nang ta nkhav khang alauc akhat ta kaw o. Talic nimei thiak nchamlou o.

Nang (tadin) rui nang ta nkhav nimei alauc nukuanc khou lat (Ravguangc rui damcloumei puat akhat meic guai na how numei zanc) akhat suaina salou o. Kum e thei nkhavloumei nac tei meic guayna hu khou dingna, 'Ai ramh akhat how e' mi kiu (mi puat tuang machuc) sa o.

Latkhang: Neihmik twna suaina sa o. Nkhavloumei tei rui, 'Ai ramh khat nzinhmei how e'. Baihmei guay tei 'ramh khat nzinhmei' kiu tabui tei cho twna zauc ngguicna phu puni. Mi tei thay pat rey reymei rui nkhavlou khang guang dat nina e.

Alauc nunc kahaw saanv mi tei kumcna sw bam nuh e.


Mi guay tei luai pw khou, ramh guayna Damhpouc Ravguangc rui damclou e twmei dinclou o. Mi guay ruc khou Damhpouc Ravguangc na ngamv nai e, kalam thu kamei rui mi guay hei damclou e. Damhpouc Ravguangc na hei kalingmei Racguangc e kalam thu Damhpouc Ravguangc khou na pumtan nai e.

**Damhpouc
Ravguangc
hei kalingmei
Racguangc e**

Thaydwan 8

Baibal Ningtow Chyam Tuang Talicmei

Damhpouc Ravguangc hei kalingmei Racguangc e, twmei dinhmei Baibal chyam sinswo



Ringhpouc hei Damhpouc Ravguangc zanc baihmei akhat e twmei dinclou o.

1 Guangh nunc 18:39 ‘*Meic nunc tei rui mi tei how pwkhou kandih khou pun nkhum laemv keyna sa the, “Ringhpouc hei Ravguangc e; Ringhpouc na hei Ravguangc e!”*’

Taanhmei naa: Mpwanbungc 7, riang, ntauh 7 khatni marker pen miwmei.

Picture Word Puzzle: Mpwanbungc 7 amuan tingcna mpwan pat dat mak khang karaklou khang alauc 7 ta sa o. Mpwanbungc guay tei laana mi khou tei Baibal ningtow chyam khatni mi khou tei naimei maengc tei hylou o. Alauc nunc latrik pac thay mak e thei lat-hiak phaan kamaengc piu o.

Meic guayna biak kathei karihna hu khou pat ding khang nkhavloumei akhat kapah o. Reymei mpwanbungc tei alauc pang khou kapuang tat bam khou nkhavloumei tei rui ‘nthaekc tho’ twna kauc puni, mi ganv khou tei mpwanbungc tei kakhou naimei tei rui mi tei hu khou laa guangna mi mpwanbungc khou hyloumei Baibal ningtow chyam khatni kamaengc tei lyan puni.

Mi mpwambungc chanei tei mi kumna, talicna mpwanbungc guayna khou hyloumei Baibal ningtow chyam khatni kamaengc guay tei lyan ntangh mak saan kaluiah kaluiahna sw o. Mpwan bungc 7 tei riang ntalouna ntaw akhat khat khou bangclou lana kaniw bamv thang dungc tat dat nuh the. Mi Baibal ningtow chyam tei thow rui kalwan nchumhna lou ngam puni cho twna thanv o.

Mpwanbungc akhat akhat swna mi Baibal ningtow chyam tei pac pat khang alauc nunc khou sa o. Zauc kanakna kaniw sa pat ngam mak e thei thay nuh khang kamun dinclou o. Baibal ningtow chyam tei sa luan kathumh khang sw o.

Laalouna Piu Nimei

Damhpouc Ravguangc hei kalingmei Racguangc e, twmei dinhmei laalouna piu nimei sinswo

Damhpouc Ravguangc hei kalingmei Racguangc e. Damhpouc Ravguangc na hei kalum biuhmeipu e kalam thu Damhpouc Ravguangc hei kalingmei Racguangc e.

Sa ndauhmei: Nang huayneymei Ravguangc rui dawloumei akhat.

Huayneymei: Damhpouc Ravguangc, nang hei kalingmei Racguangc e twmei akhou dincloumei khang nang ta thuanku e. Nang ata nzianmei khang thuanku e. Ai huayneymei dawloumei khang thuanku e. Amen.

Thaydwan 9



Dinhmung Akhat

Damhpouc Ravguangc ta na Kalum o

Damhpouc
Ravguangc
ta na
Kalum o

Baibal Pary

Damhpouc Ravguangc ta na Kalum o, twmei dinhmei pary sinsw o

Gaychamv Parybuk Padeih. Kasap 18-32. Mai Haengv.

Alauc nunc lev mi pary tuang drama sw o. 'Mai Haengv' tuang drama sw puni twna alauc nunc khou nchamlou o.

Talicmei nunc: Pary rahmei mei khatni drama tuang director (tadin nang).



Damhpouc Ravguangc kumhmei akhat (alauc akhat). Alauc nggaanvmei kathumh (alauc pang khou rui). Guangh (alauc akhat). Mai haengv (drama khou kazauh makmei alauc guayna).

'Mai haengv' sw nimei alauc nunc ta tei khat khat baanc sinna ding haengv o twna sa o. Pari rac pw khou kaniw nzaengna tat haengv bam nina e. Pary khou tei thow kumhmei rui 'mai' twna sa e thei, ding haengv bammei nunc tei kaniw baanc zay thauna, 'suc, suc, suc' twna kauc nina e. Pary rahmei kahouh khou, guangh, nggaanvmei nac kathumh khatni Damhpouc Ravguangc kumhmei akhat tei mai haengv paengc khou ding nina e.

Gaychamv Parybuk Padeih tuang kasap 18-32 tei pacna raclou o. Nang pary tei pacna rac pw khou talicmei nunc tei kaniw tuang langv langv tei talic khang dinclou o. Talicmei nunc tei pac thay e thei, *Gaychamv Parybuk Padeih* tei tiilouna mi tei zaucna kaniw tuang pary lat nunc tei pac kan diu.

Latkhang: Kasap 19 pacna rac o, 'Guangh rui meicnunc khou samei ai chu e', khoutei guangh swmei nac ta tei souc o. Guangh swmei nac tei rui, 'Kachaekc maeng ta tei kalum o, kum mak e thei ai rui nang niw ta mai khou phaiclou puni', twmei tei pac o.

Thaydwan 9



Thow thow rui pwni 'mai' twmei pac towpui sik, pary nthaekcna, ding haengv bammei alauc nunc ta nang rui souc nina e twmei ningtow o. Ding haengv bammei nunc tei kaniw baanc zay thauna, 'suc, suc, suc' twna kauc nina e. Mi hei kaniw sw luai kan e thei, mi pary tei pacna rac nsuk key o.

1, 2, 3 drama kahouh tho...

Mai haengv sw bammei alauc nunc tei khat khat baanc sinna tat haengv nina e. Pary tei pacna rac o.

Drama tei luai pw khou alauc nunc khou lat asaekc thanv o. Daw nchumh mak e thei, daw loumei khang tei thuanku e, tiki ai thanv bammei thu baihmei di he twna katiulou o.

Daw nchumhlou e thei, nchumh the! twna katiulou o. Gaanv khat rui daw nchumhlou mak saanv thanv dat dat o.

Mi pary lam khou thanv nuhmei khou hei nai e.

Tabui zaeng guangh rui alauc gaanv thumh ta mai khou phaiclou cho?
Alauc gaanv thumh tei kachaekc maengc khou lu suanlou ti makna e.



Mai khou tei mi alauc gaanv thumh ta tei thow guang zauc bo?
Damhpouc Ravguangc kumhmei gaanv khat.

Tabui sw tina mi alauc gaanv thumh tei mai raw mak to?
Damhpouc Ravguangc rui kaniw ta gaeklou tina e.

Mi pary khou rui Damhpouc Ravguangc lam tabui thay bo?
Damhpouc Ravguangc rui kakhou na lu suanmei nunc ta gaeklou e.
Damhpouc Ravguangc hei Ravguangc ling e.
Aniu Damhpouc Ravguangc ta na kalum e.

Damhpouc
Ravguangc
ta na
Kalum o

Thaydwan 9



Damhpouc
Ravguangc
ta na
Kalum o

Action Lu

Damhpouc Ravguangc ta na Kalum o, twmei dinhmei action lu sinsw o

Suan o... Damhpouc Ravguangc khang. Suan o... Damhpouc Ravguangc khang.
Suan o... Damhpouc Ravguangc khang. Kalamthu, kamei rui... nang ta dmclou e.

Ai Damhpou Ravguangc khang lu suan puni. Ai Damhpou Ravguangc khang lu suan puni

Ai Damhpou Ravguangc khang lu suan puni. Kalamthu, kamei rui ata damclou e.

Object Lesson

Damhpouc Ravguangc ta na Kalum o, twmei dinhmei object lesson sinsw o

Nang ta nkhavlou khang alauc gaanv nei ta kaw o. Alauc akhat (mi nac ta tei souc o) Damhpouc Ravguangc thak khatni baihmei alauc (mi nac ta tei souc o) rui rav baihmei ta kalummei thak sw puni twna dinclou o.

Rav baihmei ta kalummei thak swmei ta tei kamik duam o.

Mi nkhavloumei nac nei ta tei baihmei alauc guay hu khou tei lwan tat o twna sa o. Damhpouc Ravguangc thak swmei ta tei rav baihmei ta kalummei thak swmei thei khou tei tat o twna sa o.

Rav baihmei ta kalummei alauc tei zinghmei khou maanna ruan bam e kumna Damhpouc Ravguangc ta how mak e twna dinclou o.

Aniu rav baihmei ta kalum e thei mi tei kumc puni. Aniu zinghmei khou maan puni.

Tiki Damhpouc Ravguangc thu duh mak e. Damhpouc Ravguangc kaniw ta nkhavlou nii e khatni gulou khang nkhwan bam e.

Baibal Ningtow Chyam Tuang Talicmei

Damhpouc Ravguangc ta na Kalum o, twmei dinhmei Baibal chyam sinsw o

Tatpatmei 20:3 'Ata hamhna rav baihmei ta nang niw kalum lak nina e.' (twna Damhpouc Ravguangc rui sa e).

Baibal ningtow chyam tei khuangh lwan naina suan khang sw o kumna alauc nunc nang (tadin) thei lay luah khang sa o.

Thaydwan 9

Tadin: 'Ata hamhna'

Alauc nunc: 'Ata hamhna'

Tadin: 'rav baihmei ta'

Alauc nunc: 'rav baihmei ta'

Tadin: 'nang niw'

Alauc nunc: 'nang niw'

Tadin: 'kalum lak nina e.'

Alauc nunc: 'kalum lak nina e.'

Tadin: 'Tatpatmei 20'

Tadin: 'Tatpatmei 20.'

Tadin: 'Kathaek 3!'

Alauc nunc: 'Kathaek 3!'

Mi hei alauc nunc thay mak saanv kaluah dat dat o.

Laalouna Piu Nimei

Damhpouc Ravguangc ta na Kalum o, twmei dinhmei laalouna piu nimei sinsw o

Damhpouc Ravguangc hei Ravguangc ling e. Kata na aniu kalum e. Aniu rav baihmei ta kalum pw khou aniu panty khou bumaengh tuang zinghmei guang e. Aniu rav baihmei ta kalum pw khou aniu zinghmei khou maan e.

Kalingmei Racguangc ta na kalum o kum e thei kamei rui aniu khou bumaengh tuang zinghmei ta hac ganc puni. Aniu kalingmei Racguangc ta na kalum e kumna Kamei rui bumaengh tuang zinghmei khou rui gulou e.

Huayneymei: Damhpouc Ravguangc, nang hei kalingmei Racguangc e twmei akhou lyanloumei khang thuanku e. Damhpouc Ravguangc, ai Nang ta na kalum ni. Damhpouc Ravguangc, Nang ata nzianmei khang thuanku e. Ai zinghmei khou maan bammei khou rui guloumei khang thuanku e. Amen.

Swan: Kaniw tuang *Gaychamv Parybuk Padeih* tei akhat khat tii o. Kaniw tuang *Gaychamv Parybuk Padeih* tei pah khang nkhavlou o.

Damhpouc
Ravguangc
ta na
Kalum o